



Broj/Број: 01/1-50-1-26-21/04.
Sarajevo/Сарајево: 30.01.2004.

Z A P I S N I K
sa 21. sjednice Ustavno - pravne komisije

Sjednica je održana 30.01.2004. godine s početkom u 10,00 sati.

Sjednici su prisustvovali članovi Komisije:

1. Petar Kunić
2. Beriz Belkić
3. Tihomir Gligorić
4. Ivo Miro Jović i
5. Momčilo Novaković

Sjednici nisu prisustvovali članovi Komisije: Mirsad Ćeman, Seada Palavrić Martin Raguž i Nijaz Duraković, koji su najavili odsustvo.

Sjednici je prisustvovao Niko Grubišić u ime Vijeća ministara BiH.

Sjednici je prisustvovao sekretar Komisije Milan Zjajić i student stažista Nevena Golijanin.

Kako sjednici nije prisustvovao predsjedavajući Mirsad Ćeman, predsjedavao je Prvi zamjenik predsjedavajućeg Petar Kunić.

Petar Kunić, je pozdravio goste i članove Komisije i predložio izmjenjeni dnevni red u odnosu na predloženi u pozivu, jer zbog tijesnog kvoruma, po njemu nebi trebalo da se vodi rasprava o Prijedlogu okvirnog zakona o restituciji i Prijedlogu zakona o pravima i obavezama članova Parlamentarne skupštine BiH. Tako da je predložio sljedeći:

D N E V N I R E D

1. Verifikacija Zapisnika sa 20. sjednice održane 05.01.2004. godine,
2. Davanjem prijedloga i mišljenja za izradu Orjentacionog radnog plana Predstavničkog doma za 2004. godinu
3. Prijedloga zakona o izmjenama i dopunama Zakona o zastavi BiH,
4. Prijedloga zakona o izmjenama i dopunama Zakona o Državnoj himni BiH,
5. Prijedloga zakona o izmjenama i dopunama Zakona o grbu BiH.
6. Prijedlog zakona o važnosti javnih isprava u Bosni i Hercegovini, predlagač Vijeće ministara BiH,
7. Prijedlog zakona o polaganju pravosudnog ispita u Bosni i Hercegovini, predlagač Vijeće ministara BiH,
8. Ostala pitanja.

Predloženi dnevni red je jednoglasno prihvaćen.

Ad. 1. Verifikacija Zapisnika sa 20. sjednice održane 05.01.2004. godine,

Bez primjedbi, Zapisnik sa 20. sjednice održane 05.01.2004. godine je jednoglasno verifikovan.

Ad. 2. Davanjem prijedloga i mišljenja za izradu Orjentacionog radnog plana Predstavničkog doma za 2004. godinu,

Nakon kraćeg uvodnog obrazloženja Petra Kunića i sekretara Komisije razvila se diskusija u kojoj su prisutni članovi iznosili svoje prijedloge za Orjentacioni radni plan Predstavničkog doma za 2004. godinu. Tako su iznešeni sljedeći prijedlozi:

- Prijedlog zakona o državnoj imovini,
- Prijedlog zakona o sportu,
- Prijedlog zakona o izmjenama i dopunama Zakona o odbrani BiH,
- Prijedlog zakona o izmjenama i dopunama Zakona o ministarstvima BiH,
- Prijedlog zakona o učešću građana BiH u mirovnim misijama,
- Prijedlog zakona o pravnom normiranju u BiH i
- Prijedlog zakona o oduzimanju ratne dobiti

O predloženim inicijativama Komisija se nije izjašnjavala i odlučeno je da se svi prijedlozi dostave onako kako su ih članovi Komisije pojedinačno predložili.

Komisija je ranije pokretala pitanje Informacije o toku i rezultatima reforme pravosuđa u Bosni i Hercegovini.

Na sjednici Komisije je istaknuto da se pokretanje zakonodavnih inicijativa treba podnositi u rokovima koji omogućavaju dovoljno vremena za komisijske faze zakonodavnog postupka i da Orjentacionim radnim planom treba planirati da se u kontinuitetu radi na usklađivanju zakonodavstva BiH sa međunarodnim konvencijama i potrebama koje proističu iz integracijskih procesa.

Ad. 3. Prijedloga zakona o izmjenama i dopunama Zakona o zastavi BiH,

Bez posebne rasprave Komisija je jednoglasno utvrdila sljedeće:

1. Postoji valjan ustavno-pravni osnov za donošenje Zakona o izmjenama i dopunama Zakona o zastavi Bosne i Hercegovine,
2. Ustavni osnov sadržan je u članu IV tačka 4. a) Ustava Bosne i Hercegovine, kako je i naveo predlagač,
3. Ponuđeni tekst je usklađen sa Ustavom Bosne i Hercegovine i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 4. Prijedloga zakona o izmjenama i dopunama Zakona o Državnoj himni BiH,

Bez posebne rasprave pristupilo se izjašnjavanju. Ustavno-pravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o izmjenama i dopunama Zakona o Državnoj himni Bosne i Hercegovine,
2. Ustavni osnov sadržan je u članu IV tačka 4. a) Ustava Bosne i Hercegovine, kako je i naveo predlagač,
3. Ponuđeni tekst je usklađen sa Ustavom Bosne i Hercegovine i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 5. Prijedloga zakona o izmjenama i dopunama Zakona o grbu BiH.

I kod ovog prijedloga zakona nije vođena posebna rasprava. Ustavno-pravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o izmjenama i dopunama Zakona o grbu Bosne i Hercegovine,
2. Ustavni osnov sadržan je u članu IV tačka 4. a) Ustava Bosne i Hercegovine, kako je i naveo predlagač,
3. Ponuđeni tekst je usklađen sa Ustavom Bosne i Hercegovine i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 6. Prijedlog zakona o važnosti javnih isprava u Bosni i Hercegovini, predlaže Vijeće ministara BiH,

Nakon iscrpne opće i rasprave o pojedinostima, Ustavno-pravna komisija je kao nadležna komisija:

1. Jednoglasno podržala principe predloženog zakona.
2. Konstatirala da su amandmane uložili poslanici Petar Kunić i Momčilo Novaković. Predlagači su od nekih amandmana odustali, a većinom glasova su prihvaćeni sljedeći amandmani:

Amandman I

Član 2 mijenja se i glasi:

"Javne isprave izdate u Bosni i Hercegovini u svom zaglavlju sadrže pored naziva :Bosna i Hercegovina i naziv izdavaoca javne isprave.

Kada isprave izdaju nadležni organi i organizacije entiteta javne isprave u svom zaglavlju sadrže pored naziva Bosna i Hercegovina i naziv entiteta."

Amandman II

U članu 3.nakon riječi: "Brčko Distrikta Bosne i Hercegovine" stavlja se tačka i ostatak teksta briše.

Amandman III

U članu 4. u prvoj rečenici između riječi: "godine" i "u" se dodaje tekst:"do dana stupanja na snagu ovog zakona".

U istom članu u 1. stavu brišu se riječi: "iz nadležnosti Bosne i Hercegovine".

Stavovi 2. i 3. člana 4. se brišu.

Amandman IV

U članu 8. na kraju teksta se umjesto tačke stavlja zarez i dodaje tekst: "a na zahtjev korisnika javne isprave."

3. Većinom glasova prihvatila tekst Prijedloga zakona o važnosti javnih isprava u Bosni i Hercegovini, kako ga je predložilo Vijeće ministara BiH sa usvojenim amandmanima i
4. Konstatovala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje se prvi zamjenik predsjedavajućeg Komisije Petar Kunić.

Ad. 7. Prijedlog zakona o polaganju pravosudnog ispita u Bosni i Hercegovini,

Nakon iscrpne opće i rasprave o pojedinostima, Ustavno-pravna komisija je kao nadležna komisija:

1. Jednoglasno podržala principe predloženog zakona.
2. Konstatirala da su amandmane uložili poslanici Mirsad Ćeman, Momčilo Novaković i Ivo Miro Jović. Većinom glasova su prihvaćeni sljedeći amandmani:

Amandman I

Član 5. stav 3.mijenja se i glasi: "Program pravosudnog ispita objavljuje se u "Službenom glasniku BiH", službenim glasilima entiteta i Brčko Distrikta BiH".

Amandman II

U članu 6.stavu 2.u drugom redu, riječi: "imenuje ministar pravde", zamjenjuje se riječima: "imenuju ministri pravde entiteta" (pun naziv ministarstva).

U članu 6.stav 2. na kraju teksta umjesto tačke stavlja se zarez i dodaje tekst: "kao i iz reda naučnika iz područja pravnih nauka. (iz predmeta utvrđenih u članu 4.ovog Zakona).

Amandman III

U članu 7. riječi "obavlja Ministarstvo pravde BiH", mijenjaju riječima: "obavljaju ministarstva pravde entiteta".

Amandman IV

U članu 8. iza riječi: "pravde" dodaje se riječ: "entiteta"

Amandman V

U članu 9. u drugom redu između riječi "podnosi" i "ministarstvu" dodaje se riječ "nadležnom".

Izvršiti izmjene i u ostalim članovima, u skladu s ovim amandmanom (član 21. i 26.)

Amandman VI

U članu 24. riječi: "Diplomirani pravnik koji je najmanje pet godina obavljao dužnost redovnog i vanrednog profesora pravnih nauka na fakultetima" mijenjaju se riječima: "Doktori i magistri pravnih nauka"

3. Većinom glasova prihvatila tekst Prijedloga zakona o polaganju pravosudnog ispita u Bosni i Hercegovini, kako ga je predložilo Vijeće ministara BiH sa usvojenim amandmanima i

4. Konstatirala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje se prvi zamjenik predsjedavajućeg Komisije Petar Kunić.

Ad. 8. Ostala pitanja,

Pošto nije bilo prijedloga za ovu tačku dnevnog reda prvi zamjenik predsjedavajućeg je u 12,30 sati zaključio sjednicu.

SEKRETAR KOMISIJE
Milan Zjajić

PRVI ZAMJENIK
PREDSJEDAVAJUĆEG KOMISIJE
Petar Kunić